

1 Yohane

Kekecac ackuazéc.

¹ Kekecac ackuazéc nalé hénihéniaiguc bec kerec imuac mia neňaň gezacninanéň niňaňiň, nimma kicninanéň héňaňiň waňu hémma méraninanéň késaosi wammiaňiň.

² Waňu kekec imi mewinini nénécmimia waňec, waňu kekec hémbénaňa imi hémma héipucya wamma zéau énécmianziň. Kekec imi mia Maňgocguc kerec. Keru Maňgocnéň neňaň muru mewinini nénécmiyec.

³ Ini acguc niniguc ala kekec wamma kecbiň niňac, nini kicninanéň hémma gezacninanéň momacnec niňaňiň imuac mia zéau énécmianziň. Neňaň ala kekec imi Maňgoc zéma Naňa, Yesu Kristo iriguc momacnec.

⁴ Waňu kiwi yomi ségiséginina sécgémac niňac oziň.

⁵ Ackuazéc iwarunec nimma zéau énécmiziň imi yomuhuc, Anutu imi asacmararaň, siňi imi iwac muru komodia méň ménda hezac.

⁶ Neňaň Anutuguc ala kekec kecziň imuhuc zéma siňi qeriaiguc keňha waňaňziňiguc neňaň imi ac ikora zéma ackuazéc héla ménda tohoanziň.

⁷ I eňeyaoc asac mararaň qeriaiguc kecanzac imuac séc neňaň asac mararaň qeriaiguc kecanziňiguc neňaň imi neňaocnec ala kekec

wañamuma kecni Nañá Yesu Kristo iwac sacnéñ kápésicnina moczoñ zuac nénécmimac.

⁸ Neñañ kápésicnina qahac zéziñiguc neñaoac nec ikoc wañamuziñ, imuac niñac ackuazéc héla imi ewa qerininaiguc ménda he nénécmizac.

⁹ Kápésicnina zé auziñiguc, Anutu, ménzézé ménzézéya qahac, solañá miñinanéñ kápésicnina waima birianina moczoñ zuac sorocgé nénécmimac.

¹⁰ Wañu neñañ kápésic ménda wañanzñiñ zéziñiguc, Anutuac ikora zémiziñ. Wañu iwac ackuazéc imi ewa qerininaiguc ménda hezac.

2

Héipuc icnina Kristo.

¹ Nambérac soroc hécna, ini kápésic ménda wammu niñac kiwi yomi o énécmizua. Wañu mén kápésic wammaciguc, neñañ héipuc ic saiwa wañ nénécmima zéanzac imi Mañgocguc keczac. Iwac qara imi Yesu Kristo, solañá miñina.

² Inéñ mia neñañ kápésic niñac doenina memañ zé séwiya wai nénécmiyec. Wañu imi nonac sac qahac, néñ baec séc ic embac momac yanda neñañ niñac imuhuc wañec.

³ Neñañ iwac héna ac tohoma wañanzñiguc haka imi hémma i nimmianziñ imi niñ asar-ianziñ.

⁴ Ic ménéñ ni i nimmizua zéma iwac ackuazéc ménda tohozac imi ikoc ic wanzac. Wañu qer-iaiguc ackuazéc héla ménda hezac.

⁵ Ic ménéñ mén iwac ackuazéc tohoma ke-canzaciguc, Anutuac goi héihéinéñ iwac ewa

qeriaiguc hélacnec solañanima hezac. Imuac mia nini dimuhuc iwac qeriaiguc kecziñ imi niñasarianziñ.

⁶ Méñnéñ méñ iwac qeriaiguc keczua zéanzac iminéñ Yesu wañec imuac séciguc wammac.

Héna ac qelia.

⁷ Goi héihéiac buña ini, héna ac ni o énécmizua imi qelia qahac, imi wahala. Ini hénihénia igucnec késa kecanzu imi mia. Héna ac wahala imi ackuazéc ini becarunec niñanzu imi mia.

⁸ Siñi imi kemmanec keru, asac mararañ héla imi bec asariyu, héna ac imuac héla imi Yesu zéma suginaiguc hicñi asariyu héñiac héñanzua. Imuac niñ ni héna ac imuac héna ac qelia zéma méngucnec o énécmizua.

⁹ Méñnéñ méñ asac mararañ qeriaiguc keczua zéma alayawac ewa hazéc wammianzac imi siñi qeriaiguc keczacnec.

¹⁰ Alaya goi héihéi wammianzac iminéñ asac mararañ qeriaiguc keru iwac qeriaiguc iwawai biria méñnéñ hema wammiyu érec étéñ wammacac séc qahac.

¹¹ Wañu méñ alayawac ewa hazéc wammianzac imi siñi qeriaiguc kecma imuac qeriaiguc kenha wañanzac imuac niñ siñinéñ kiwa nézicgéyu dimuaru kemmac imi ménda ninzac.

¹² Nambérac hécna, Yesuac qara niñac onac késpedesgina wai énécmidaczac hénia imuac niñac mia kiwi yomi o énécmizua.

¹³ Mañgoc ini i nalé hénihénia igucnec kecanzac imi nimmigic hénia imuac niñac kiwi yomi o

énécmizua. Sac qelihécna ini Biria miñina imi ogicgic hénia imuac niñac kiwi youmi o énécmizua.

¹⁴ Nambérac hécna ini Mañgoc nimmizu hénia imuac niñac kiwi yomi o énécmizua. Mañgoc ini i nalé hénihénia igucnec kecañzac imi nimmizu, hénia imuac niñac kiwi yomi o énécmizua. Sac qelihécna, ini kucginaguc wañu Anutuac ackuažéc qeriginaiguc nañu Biria miñina ogicgic, hénia imuac niña kiwi yomi o énécmizua.

Baecac iwawai niñac siñ ménda nimmu.

¹⁵ Baec zéma iwawai imuaru hezac imuac goi héihéi ménda wammimu. Méñnéñ méñ baecac goi héihéi wañ mianzaciguc iwac qeriaiguc Anutuac goi héihéi imi ménda hemizac.

¹⁶ Némac niñ? Baeciguc iwawai hezac imi moczoñ séwiac siñ, kicac siñ zéma iwawai késa keczu me wañanžu imuac séwi eneñ wanzac. Wañu imi moczoñ Mañgocarunec qahac, néñ baec igucnec.

¹⁷ Baec zéma imuac siñ imi qahac wammac, néñ méñnéñ méñ Anutuac ackuažéc tohoma keczac iminéñ tetcgia qahac kecañzac.

Kristoac hazéc.

¹⁸ Nambérac hécna nalé yomi imi nalé tetcgia. Kristoac hazéc hamacac niñ zézéya imi niñgic imuhucyanec deguc Kristoac hazéc sasala bec hama keczu. Imuac niñ nalé tetcgia wanzac imi niñasariziñ.

¹⁹ I eneñ nonarunec hicñima keñgic. Néñ nonac kitic hécnina qahac. Kitic hécnina wambunec

imi niniguc kecbunec. Wañu kitic hécnina qahac imuac hénia imi nénézégic héntegicbiñ niñac waima keñgic.

²⁰ Téréya miñinanéh ini Uña Téréya haléc ésécnec qocgé énécmiyu megic. Imuac niñac ini moczoñ nininjinaguc wanžu.

²¹ Ini ackuazéc héla ménda ninzu zéma kiwi yomi oénécmizua imuhuc ménda zéma nimmu. Imi qahac, néñ ini imi ackuazéc héla imi niñtegicgic, wañu ikoc imi ackuazéc héla igucnec ménda hicñianzac imuac niñ kiwi yomi oénécmizua.

²² Mérénéñ ic ikora? Ménñ Yesu imi Kristo qahac zéanzac imi mia. Ic imuhucyanéh Kristoac hazéc héla. Inéh Mañgoc zéma naña qaecgé érécmianzac.

²³ Ménñ Naña imi ménda ninzénégzac iwaru Mañgocya qahac, néñ ménñ Naña imi ninzénégzac inéh Mañgocyaaguc keczac.

²⁴ Hénia igucnec iwawai gezacginanéñ niñgicac niñgic imi qeriginaiguc hezac me qahac imi hémma niñtgicgic. Imi heyuguc ini imuhucyanec Naña zéma Mañgoc qerigiraiguc kecmu.

²⁵ Sisipac ac inéh wañ nénécmiyec imi kekec hémbénaña nénécmimiawac zézé seli imi mia.

²⁶ Ac imi ikoc wañ énécmianzu ionac niña imuhuc oénécmizua.

²⁷ Ini iwarunec Uña téréyawac haléc naec naec megic qeriginaiguc keczac imuac némaciguc méñnéñ ku énécmimacac niñ wambunec? Iwac Uña téréyawac halécnéh météré énécmimia iminéh iwawai moczoñ ku énécmimac. Uñawac

ara imi hélanec, ikora qahac, imuac enej ku énécmianzac imuac séc iwac qeriaiguc kecmu.

Anutuac nambérac héra.

²⁸ Nambérac hécna deguc iwac qeriaiguc kecgic Yesunéj wininima mayu iwac kiwaiguc gamunina ménda nimma ewa bénzéj wambij.

²⁹ I solaja miñina wañanzac imi ninzuiguc ic méj solaja wañu hémma iwarunec hicñizac imi nimmu.

3

¹ Ninzu! Kurumenj Mañgocnéj Anutuac nambérac hécna zé nénécmimanj zé goi héihéi dimuhucya wañ nécnécmiyec! Wañu nini imuhuc mia kecziñ. Wañu baec ic embac ienenj i ménda héñtegicanzu, hénia imuac niñ nini acguc ménda ninic tegicanzu.

² Soroc hécna neñañ deguc imi Anutuac nambérac héra kecziñ. Bianj dimuhuc kecbiñ imi ménda hicñi asarizac. Wañu inéj wininiyu neñañ iwac kekec tanera hezac séc hémbiñ imuac niñ neñañ iwac kekec tanera imuhucyanec mia wamma kecbiñ imi ninziñ.

³ Méjnéj méj eñeya ewa qerianéj kekec imuac mambéc kecanzac imi Yesu qakola qahac qala qala wanzac imuhucyanec eñeya météré amuanzac.

⁴ Méjnéj méj késpedesic wañanzac imi hénia ac logianzac. Késpedesic imi hénia acac sigisigiya.

⁵ Wañu Inéj késpedesicnina nonagicmanj zé wininiyec imi ini ninzu. Wañu iwaru késpedesic méj ménda hemizac.

⁶ Méñ iwac qeriaiguc kecanzac iminéñ késpedes ménda wañanzac. Méñ késpedes wañanzac iminéñ i méñ ménda hémma nimmima keczac.

⁷ Nambérac hécna méñac méñ ménda waigic, ikoc wañ énécmiwac niñac. Haka dindiña wañanzac iminéñ i solaña keczac séc solañanec kecanzac.

⁸ Biria miñinanéñ hénihéniya igucnec késpedes wamma hama kerec. Imuac niñ méñ késpedes wañanzac imi Biria miñina iwarunec. Anutuac Naña inéñ Biria miñinawac ai imi mebirimanñ zé wininiyec.

⁹ Méñnéñ méñ Anutu arunec hicñima keczac imi Anutuac ac gocmianéñ iwac qeriaiguc hekeru késpedes ménda wañanzac. Anutu arunec hicñima keczac imuac niñac késpedes wamma kecmacac séc qahac.

¹⁰ Anutuac nambérac me Biria miñinawac nambérac imi hénia yomuhuciguc hicñi asariyu niñanzin; Méñ haka dindiña ménda wanzac imi Anutu arunec qahac. Méñ alaya goiya ménda héianzac imi acguc Anutu arunec qahac.

Goi héihéi wañamuwiñ.

¹¹ Ackuazéc yomi ini hénihénia igucnec nimma keczu; Goi héihéi wañamuwiñ.

¹² Kainac haka ésécnec ménda wañgic. Inéñ Biria miñinawac buña kecma munaya qeyu humuyec. Wañu némac niñ qehumuyec? Eñeya wawañ meme biria, wañu munayawac wawañ meme imi hiabia wañu nimbupuc nimma qehumuyec.

¹³ Dacmuna hécná zéma embac nauḥécna, ini baecac ic embac eneḥ mézétiti waḥ énécmigic ménda aurimu.

¹⁴ Neḥaḥ goi héihéi waḥamuanzinḥ imuac mia nini humuc waima kekec qeriaiguc kerezinḥ imi ninzinḥ. Méḥ tosara ionac goigina ménda héianzac imi humuc qeria igucnec kecanzac.

¹⁵ Méḥ dacmuna héra me nauḥéna goigina ménda héianzac imi ic qeḡe. Waḥu ic qeḡe iwac qeriaiguc kekec hémbénaḥa ménda hemizac imi ini ninzu.

¹⁶ Yesu Kristonéḥ neḥaḥ ninac wamma kekecya waiyec. Waḥu neḥaḥ goi héihéi héla imi ninzinḥ. Neḥaḥ acguc dacmuna hécnina ionac ninac wamma kekecnina waiwiḥac hezac.

¹⁷ Ic méḥnéḥ baecac iwawaiya sasala késa kecma ninzéh ninzéh dacmuna méḥnéḥ iwawai méḥ ninac osiyu hémma ewa biric ménda wammimac imi Anutuac goi héihéinéḥ dimuhuc iwac qeriaiguc hemac?

¹⁸ Nambérac hécná ac me ezelaḥnéḥ sac qahac, wawaḥ meme zéma ewa qeri hélanéḥ goi héihéi waḥamuwiḥ.

¹⁹ Imuhuc wambiḥiguc neḥaḥ ackuazéc héla imuaru qékétama keczinḥ imi asariyu nimbiḥ. Waḥu Anutuac wésiaiguc ewa qerinina meseligima qeri bénzéh kecbiḥ.

²⁰ Ewa qerininanéḥ késpedes ninaguc zénénéc mimaciguc imi Anutuac ewa qerianéḥ ic neḥaḥ qerininawac séc qahac, Inéḥ séc méḥ kecma iwawai moczoḥ nindacanzac.

²¹ Kokoc soroc hécná qerininanéḥ késpedes ginaguc zéma ménda zé nénécmiyu Anutuac ki-

waiguc bénzénj kecbiñ.

²² Wañu iwac héna ac tohoma iwac kiwaiguc iwac ewa siñ méndacma haka silic wanní, Inén zéwelec welecnina nimma melenju iwawai moczoñ hia mewiñ.

²³ Iwac héna ac imi yomuhuc; Naña Yesuac qara ninzénjéma héna ac Inén nénécmiyec imuac séciguc goi héihéi wañamuwiñ.

²⁴ Ic embac eneñ iwac héna tohozu ieneñ iwac qeriaiguc keczu, wañu ionac qeriginaiguc Inén keczac. Uña Téréya nénécmiyu qerininaiguc keczac Inén zéasariyu neñañ qerininaiguc Inén keczac imi niñanziñ.

4

Uña hia me uña biria imi gésima héntegicma nimbíñ.

¹ Kokoc soroc hécna, kua meme ic ikora sasala baeciguc hicñima keczu. Imuac niñ uña moczoñnec ménda ninzénjému. Uña imi Anutu arunec me qahac imi niñyacgémanj zé ala batuc wañ énécmimu.

² Anutuac Uña imi yomuhuciguc niñtegicmu; Uñaya uñaya Yesu Kristo baec ic héla wamma hayec imi ninzénjéanzac iminéñ Anutu arunec hahaya wanzu.

³ Wañu uña ménénj ménj Yesu ménda ninzénjézac imi Anutu arunec qahac. Imi Kristoac hazéc boñawac uña. Hamac zéyu niñgic Kristoac hazéra imi mia. Wañu imi bec baeciguc hicñima keczac.

⁴ Nambérac hécna ini Anutu arunec. Qeriginaiguc keczac Inéj ménéj baeciguc keczac i qema ogicdarec, imuac niñac enéj hazéc hécgina unuma onogiczu.

⁵ Ienej imi baec igucnec, imuac niñ ac suruc baec igucnec imi zégic baec ic embac ienej ac imi nimma tohoanzu.

⁶ Neñañ mia Anutuac buña, imuac niñ ménéj Anutu ninzac inéj acnina niñanzac, néj ménéj Anutu arunec qahac inéj acnina ménda niñanzac. Ackuazéc hélawac uña me ikocac uña imi hénia imuhuciguc héñtegicanziñ.

⁷ Kokoc soroc hécna neñañ goi héihéi wañamuwiñ. Goi héihéi imi Anutu arunec imuac niñac ménéj goi héihéi wañ énécmianzac inéj Anutu arunec hicñjima kecma Anutu ninzéngeanzac.

⁸ Anutu eñeyaoc imi goi héihéiac miñjina, imuac niñac goi héihéi ménda wañ énécmianzac inéj Anutu ménda ninzac.

⁹ Anutuac goi héihéi imi sucninaiguc yomuhuc hicñjyec; Anutunéj Naña momacguc imi méliyu baeciguc mayec imi neñañ iwarunec kekec héla mema kecbiñ niñac.

¹⁰ Goi héihéiac hénia imi yomuhuc hezac, neñaoc Anutu goi héihéi wammiyiñ imi qahac, Anutu eñeyaoc goi héihéi wañ nénécmima neñañ késpedesnina mulu memac niñac Naña méliyu mayec.

¹¹ Kokoc soroc hécna Anutunéj imuhuciguc goi héihéi wañ nénécmiyec, imuac niñ imuhucyanec neñañ goi héihéi wañamuwiñ.

¹² Ic méhénéj ménj Anutu ménda héjec, néj goi héihéi waŋamuwiŋiguc Anutu I eŋeyaoc neŋaŋ ewa qerinaiguc keczac. Keru iwac goi héihéianéj neŋaŋ qerinaiguc solananima hemac.

¹³ Inéj Iwac Uŋaya nénécmiyec imuac niŋ Inéj neŋaŋ qerinaiguc, neŋaŋ iwac qeriaiguc kecamuanziŋ imi ninziŋ.

¹⁴ Maŋgocnéj baec séc ic embac humuc igucnec nénépésimac niŋ Naŋa méliyu mayec imi nini hémma héipuc wamma zéziŋ.

¹⁵ Méhénéj Yesuac niŋa Anutuac Naŋa zéma nimmiyu Anutunéj iwac qeriaiguc, inéj Anutuac qeriaiguc kecamumaoc.

¹⁶ Imuhuc wamma Anutuac goi héihéi neŋaŋ muru hezac imi hémma ninzéngeŋa keczin.

Anutu imi goi héihéiac miŋina, ménj goi héihéiac qeriaiguc keczac imi Anutuac qeriaiguc keru Anutunéj iwac qeriaiguc keczac.

¹⁷ Imuhuciguc goi héihéinéj neŋaŋ sucninaiguc solananimac. Waŋu baec yomuac qeriaiguc iwac kekecyá ésécnec kecanziŋ imuac niŋ gésigési nalé yandaiguc bénzéj nambiŋ.

¹⁸ Bac yandiyandi imi goi héihéi qeriaiguc ménda hezac. Waŋu goi héihéi hélanéj bac yandi yandi imi nesiyu keŋanzac. Némac niŋ, bac yandi yandi iminéj bakia zérabéráguc imuac buŋa, ic ménj bac yandi yandi waŋanzac imi goi héihéiac qeriaiguc ménda solananima kecanzac.

¹⁹ Inéj goi héihéi walac waŋ nénécmiyec imuac niŋac neŋaŋ goi héihéi waŋamuwiŋ.

²⁰ Méhénéj ni Anutu goi héihéi wammianzua zéma nauŋ dacmuna héra mézétiti waŋ

énécmimac ic imi ikoc ic. Némacniḡ, ménḡ nauḡ dacmuna héra kicnéḡ inic inira ionac goi héihéi ménda waḡ énécmianzac imi eneḡ Anutu ménda héhéḡa imi goi héihéi hia ménda wammimac.

²¹ Inéḡ zézé seli ac yomi nénécmiyec; Ménḡ Anutu goi héihéi wammianzac iminéḡ nauḡ dacmuna héra goi héihéi kilenḡ waḡ énécmimac.

5

Yesu imi Anutuac Naḡa.

¹ Ménḡnéḡ ménḡ Yesu imi Kristo zéma ninzénḡgézac, inéḡ Anutu arunec hicḡjima keczac. Waḡu ic ménḡnéḡ ménḡ Maḡḡoc goi héihéi wammianzac inéḡ iwac naḡa momacnec goi héihéi wammianzac.

² Neḡaḡ Anutu goi héihéi wammima iwac zézé seli ac tohoma imuacnec mia Anutuac nambérac héra goi héihéi waḡ énécmianziḡ imi asariyu niḡanziḡ.

³ Anutuac zézé seli ac tohoanziḡ haka iminéḡ mia Anutu goi héihéi wammianziḡ wawaḡ meme imi mia wanzac. Waḡu iwac zézé seli ac imi yéwéria qahac.

⁴ Ménḡ Anutu arunec hicḡjiyec imi baecac ala batuc qema ogicanzac. Waḡu baecac ala batuc qema ogicanziḡ ogicogic imuac kuha imi ninzénḡ ninzénḡnina.

⁵ Ic ménḡ Yesu imi Anutuac Naḡa zéma ninzénḡgézac i qahac zéwiḡnec mérénéḡ baecac ala batuc imi hia qema ogicbacnec?

⁶ Doku igucnec zéma sac igucnec hayec imi mia Yesu Kristo. Doku igucnec sac qahac, néḡ doku

zéma sac igucnec hayec. Uᅇa Téréya, ackuazéc héla zézéac miᅇina wanzac imuac niᅇac Uᅇa téréyanéᅇ héipucya wanzac.

⁷ Imuac niᅇ haréwécnéᅇ héipuc wamma zéanzu.

⁸ Imi mia Uᅇa Téréya zéma doku zéma sac, haréwéc iminéᅇ momacnec Yesu imi ic héla zézu.

⁹ Neᅇaᅇ ic embac onac héipuc ac imi ninzéᅇgéanzuᅇ, waᅇu Anutuac héipuc ac imi kuha ogicogicya wanzac. Anutunéᅇ naᅇawac yomuhuc héipuc wamma zézac imuac héipuc ac yominéᅇ Anutuac héipuc ac wanzac;

¹⁰ Méᅇ Anutuac Naᅇa ninzéᅇgéanzac inéᅇ héipuc imi eᅇeya qeriaiguc késa keczac. Waᅇu méᅇ Anutu ménda ninzéᅇgéanzac inéᅇ Anutuac ikora zémianzac tanec wanzac. Némac niᅇ, inéᅇ mia héipuc Anutunéᅇ Iwac Naᅇawac waᅇec imi ménda ninzéᅇgéanzac imuac niᅇ imuhuc zézu.

¹¹ Héipuc ac imi mia yomuhuc; Anutunéᅇ kekec hémbénaᅇa nénécmiyec waᅇu kekec hémbénaᅇa imi Iwac Naᅇawac qeriaiguc hezac.

¹² Méᅇnéᅇ Naᅇaguc keczac iminéᅇ kekec hémbénaᅇa mema keczac. Méᅇnéᅇ Anutuac Naᅇa ménda késama keczac iminéᅇ kekec hémbénaᅇa imi ménda késa keczac.

¹³ Ni ackuazéc yomi onaru kekec hémbénaᅇa imi he énécmizac imi niᅇtegiemu niᅇac ic embac Anutuac naᅇa Yesuac qara ninzéᅇgézu onac mia kiwi yomi oénécmizua.

¹⁴ Nini Anutuac yomuhuc ninzéᅇgéma ewa déᅇ wamma keczuᅇ; Iwac ewa siᅇ tohoma iwawai méᅇac méᅇ qesimiwiᅇ imi hia niᅇ

nénécmidacmac.

¹⁵ Inéñ niñ nénécmianzac imi ninzéniguc iwawai méñac méñ welecmianziñ imi bec nénécmizac imi ninziñ.

¹⁶ Ic méñnéñ alaya méñnéñ késpedesic humucac buña séc ménda wawaña imuhucya wañkeru hémmaciguc iwac niñac wamma Anutuaru welecmimac. Késpedesira humuc ac buña séc qahac wañu Anutunéñ kekec héla mimac. Késpedesic humuc mihicñi mimia hemizaciguc imuac zéwelecmimu niñac ménda zézua.

¹⁷ Héna ac logilogi imi moczoñ késpedesic wanzac, néñ késpedesic tosara imi humuciguc ménda onagicma kemmac.

¹⁸ Méñ Anutu arunec hicñiyec inéñ késpedesic ménda wañanzac imi nini ninziñ. Némac niñ, Naña Anutu arunec hicñiyec i imi Inéñ héñgaleñ wammiyu Biria miñinanéñ ménda késa osi wammimac.

¹⁹ Neñañ imi Anutu arunec hicñima kecziñ, néñ baec ic embac tosara imi Biria miñina iwac qeriaiguc kecanzu imi neñañ ninziñ.

²⁰ Anutuac Naña mama hama niñtegiç qinçtegiç nénécmiyu neñañ ac héla miñina imi nimmima iwac qeriaiguc kecanziñ. Kecma naña Yesu Kristoac qeriaiguc acguc kecanziñ. Wañu Yesu Kristo inéñ Anutu héla zéma kekec hémbénaña keczac.

²¹ Nambérac hécna héñgaleñ wañamuma banarawac ireha igucnec néñgacma lakec kecmu.

SISIPAC AC QELIA
The New Testament and Psalms in the Kube Language
of Papua New Guinea
Buk Song na Nupela Testamen long tokples Kube long
Niugini

copyright © 2012 Global Bible Translators

Language: Mongi (Kube)

Translation by: Global Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-23

PDF generated using Haiola and XeLaTeX on 28 Dec 2024 from source files dated 31 Aug 2023

0403b50f-078d-52e2-a203-056e8a430665